



東
朝
文
粹

四



~ 16
3217
5



門入16
3317
卷5


本朝文粹卷第四

論奏

○太政官謹奏

停多^{子カ}衿^{ツカ}嶋^{シマ}隸^ス大隅^{スミ}國事^ニ格^ニ五都良香

右參議大宰大貳從四位下小野朝臣峯守
等解^カ稱^ニ謹^テ檢^テ案^ス內^ニ大政官去^レ二月十日符
稱^ニ件^ニ嶋^{シマ}南^ニ居^ル海^ニ中^ニ人^ノ兵^ノ乏^ク弱^ニ在^ル於^テ國^ノ家^ニ良^ニ非^ズ
打^カ城^ニ夫^レ嶋^{シマ}同^シ一^ニ年^ニ給^ル物^ノ准^ル緇^ニ三^ニ萬^六十^餘束



其鳴貢調鹿皮一百餘領更無別物可謂有名無實多損少益右大臣宜奉勅宜勘利害言上者南溟森々無國無敵有損無益一如符旨須停鳴隸大隅國計其課口不足一鄉量其土地有餘一郡能滿合於馭謨益救合於熊毛四郡爲一於事得便者聖帝登樞事期濟世明主布政理貴適時臣等商量昔漢元帝納賈捐之言罷珠崖郡前史以爲羨談

後世稱其英利雖建國量疆非無分野而卹民救急猶棄州郡况溟海之外費損如此加以往還之吏漂亡者多運送之民蕩沒不少守無益之地損有用之物求之政典深迂物議伏望依件停隸以省邊弊伏聽天裁謹以申聞謹奏。

天長元年九月三日

大政官謹奏

請正月元日七日節會依舊不停十六日踏歌依詔停止十七日射禮改月被

行事

管二品

夫孝稱要道明王之化爰施義貴隨時聖人之教攸著伏惟皇帝陛下天經在憶人德歸厚追凱風而悲聲未息望諱月而憂色更深上春鹿鳴揔不欲聽聖良之至凡情何堪抑正且良宴得萬國之歡心即是孝也七日

勝遊調三陽之佳氣豈非禮乎俯望此二節會依舊無停專存禮儀不舉音樂然則不舞不歌天仙之洞雖靜以醉以飽雲龍之庭猶隆至如踏調之類偏是耳目之娛無便於政月何妨於農年但合射之儀國家大務昔東漢之君三月行禮將令萬物達其餘萌也後代相承或用此候彼曲臺春深射宮景暖芳草隨步之地落花拂衣之朝願茲嘉辰縱其

壯觀臣等謹奉詔付外施行謹錄事狀伏聽
天裁謹以申聞謹奏

天曆九年十二月廿五日

表上

○賀瑞

諸公卿賀朔且冬至表 管贈大相國

臣基經等言臣聞潛鱗游泳樂春水於和風
稚羽來賓拂曉雲於秋月彼微情之二物猶

感奉天况在位之群臣誰忘欽化臣等誠歡
誠喜頓首頓首死罪死罪夫三象知程四騶
得道斯乃寒暑之乎也雙離合璧五緯連珠
斯乃聖哲之事也臣等謹案曆曰十一月丙
辰朔且冬至稽之舊章理誠宜賀伏惟皇帝
陛下欽若無掩鼻惟馨於昊天敬授不偷襲
其臬於黎庶古先王之所希有舊史氏之所
罕言陛下得之明德至矣猗歟日則南至

陛下向陽之美可觀星惟北共臣等詣闕
之誠何切聖壽無疆明時有瑞不勝抃舞拜
表以聞臣基經等誠歡誠喜頓首頓首死罪
死罪謹言

元慶三年十一月一日

攝政關白辭職表

為昭宣公辭攝政上太上天皇第一表

管贈太相國

臣基經言伏奉去月廿九日傳國詔命曰少
主未親萬機之間臣基經攝行政事如忠仁
公故事臣基中伏惟忠仁公德崇功大仁義
兼資况先帝之親舅陛下外祖人望皆歸
官齒既貴陛下知其元老專俾攝政天下萬
民僉以為宜今臣年出不惑性猶童蒙職致
大臣効無匡濟朝夕流汗責深罪重夫代天
治民者人君也道君從天者人臣也而詔命

曰比年災異仍見此復重臣罪責也漢代以
災異免三公之官臣所尤可懼也臣平生備
負之日陛下猶引過於一人臣非常受寄
之時今上何明德於四海蹇驢既疲坦途况
雲嚴不知遠近乎短楫無利夷浪况淵水不
測邊涯乎任重道悠不知所處今公卿大臣
在位者多皆是有德良人陛下察而用之
亦亡叔忠仁公屬續之夕重託扶持陛下

莫愆始終之教臣今緣詔命離去仙砌攝事
朝廷進慙失教退恐違命臣始謂穆遊之轉
翠華誰知堯心之脫黃屋臣將隨陛下為
雲中之吠犬何更歸城闕為華表之鳴鶴臣
之至誠既其如此臣某誠惶誠恐頓首頓首
死罪死罪謹言

貞觀十八年十一月一日右大臣從二位
兼行右近衛大將臣藤原朝臣某上表

○同第二表

管贈太相國

臣基經言中使右近衛權中將藤原朝臣山陰至奉傳勅旨抑遏臣請不知愚款之乖聖懷更疑微誠之達天聽臣基經誠惶誠恐頓首頓首死罪死罪臣位貴官重皆是陛下之私恩祿厚封高亦復陛下之絕寵殊恨淹引日月偷安非服不意綸命乍降屬以重寄縱令陛下責臣以有一割之刃而復臣

訴○陛下以無再全之錦不獨顧身亦能思國以臣思國之慮欲盡報主之情陛下推而察之莫重臣罪臣以為春蒼夏昊猶是一天朝東暮西未為兩日伏願臣心不離魏闕將致今上臣子之忠臣身常侍仙階不失亡叔臨終之命臣謹檢前記太上天皇在世未聞臣下攝政幼主即位之時或有太后臨朝陛下若寶重杜稷憂思幼主臣願公政

之可驚視聽者將聞勅於陛下庶事之無妨施行者又請令於皇母然則天下有艾安之治愚臣免虛受之罪臣願足矣臣誠竭焉不堪憫歎之至累表以聞臣基經誠惶誠恐頓首頓首死罪死罪謹言

貞觀十八年十二月日右大臣從一位兼

行左近衛大將藤原朝臣上表

○為貞信公辭攝政第一表

後江相公

臣忠平言伏奉去月廿二日先帝讓位詔命

陛下未親萬機之間臣某保輔聖躬攝行

政事者寵溢身涯聽出意外反覆思之知其

非任臣謝其由臣初蒙綸言即錄辭表未能悃

懷之入參漏忽逢晏駕之赴九泉鼎湖悲深

山陵事急跼蹐流汗自適涖辰臣孕非空桑

器是鑄木猥以萎媵之身謬承崇重之寄譬

猶拂跛鼈之首戴以蓬萊之山褰焦僂之裳
涉其渤澥之海弱質難舉毫毛何勝雲巖之
萬仞短脛不滿尺寸還迷花浪之千里臣已
自知况於物議謹檢史冊少帝繼體太后臨
朝訪舊風於漢家和喜之蹤不墜尋故實於
晉室崇德之制已明伏願 陛下停此攝籙
依彼前脩早思宗社安全之謀莫遺微臣允
滿之悔不任憂國之至情謹奉表陳讓以聞

臣某誠惶誠恐頓首頓首死罪死罪謹言

延長八年十月十三日左大臣正二位兼
行左近衛大將藤原朝臣上表

○同第二表

後江相公

臣忠平言中使左近衛中將從四位下藤原
朝臣實賴至臣第返臣章丹魂所祈盡於前
表白日不照改以何詞臣某中謝臣聞君猶天
也死生無逃命之義臣是水也方圓有隨器

之誠然而分過涯盈而易溢身不足用進而
難堪以臣謂之不其然乎臣無才無藝非舊
非勲應對易迷汗浹於周勃之背陰陽難理
牛喘於邴吉之前况當四海改觀之朝荷百
官揔已之任尋古思今心迷魂慄昔周公且
之大聖未免流言霍子孟之英雄難避謗議
或親或賢招咎如此雖慎雖畏塞責若何猶
以社稷之重強託庸昧之質於公危多為私

辱至不啻思微臣忘身之憂兼恐損先帝知
入之德伏願陛下曲賜允容指北辰而抽
肝非東里之潤色無勝慙歎屏營之至謹奉
表陳請以聞臣某誠惶誠恐頓首頓首死罪
死罪謹言

延長八年十月十六日左大臣正二位兼
行左近衛大將藤原朝臣某上表

○同第三表

後江相公

臣其言頃者上表再抽中懷去十六日左近
衛權中將從四位下藤原朝臣伊衡至奉宣
口勅抑遏臣請乘膠船而泛疊浪馭朽索而
奔險途周章之心商略不足臣其中謝伏惟思
切者觸緒之趣摠深事急者發言之旨皆懇
臣謹訪故實貞觀初忠仁公元慶間昭宣公
保輔幼主攝行政事親賢兼茂才德具高或
追蹤於伊尹以其君不及堯舜為慙或合契

於夷吾以其化不如臯陶作恨一人待彼雅
訓四海推為當仁如臣者擔重寄於微身負
大任於小材性之少知動而多過已覺階天
之難及兼恐控地之易疲思國顧身一夜九
歎又范蠡收責棹扁舟而逃名謝安辭切鞭
孤雲而養志是皆擺寵光於既盛慎櫛胎於
未萌者也人心不同臣願頗異何則稅重載
於頽輪免其覆駕之悔忘再實於散木除以

傷根之憂暫全暗質拜聖日初昇之光更洗
愚心。欽明時中興之化也。伏乞鴻慈殊賜哀
許得令臣待罪於止足之下。莫令臣招謗於
燬骨之中。蒼天白日照此血誠。無任誠懼之
至。謹重表以聞。臣某誠兢誠惕頓首頓首死
罪死罪謹言。

延長八年十月九日左大臣正二位兼行
左近衛大將藤原朝臣上表。

貞信公天皇元服後辭表

後江相公

臣忠平言。頻歲抽誠未蒙矜遂。借詞亂次。樂
妾輔之意既迷。析恩無休。潘安仁之筆欲腐。
臣某中。臣聞志小量而受重任者。折足之辱
難逃。代大匠而運短才者。傷手之憂何免。縱
雖負非力所堪。臣坐卧焦心。遠近檢迹。周
公且者。文主之子。武王之弟。自知其貴。忠仁

公者皇后之父皇帝之祖世推其仁然猶恐
王事之久攝歎皇綱之難治營雜功成還政
於有國之主加冕禮畢退身於無向之鄉而
臣以庸朽蠢昧之質適周室貞觀之蹤是可
忍也孰不可忍也方今陰陽不和災異無息
天鑒之責已在臣躬昔以水雨而道職大尉
徐防之志可觀驚地震而辭官長孫無忌之
詞在眼彼在恒務之勤猶成引咎之懼况當

非常之任未知逃罪之方伏願陛下降上夫
之反照憐下愚之不移令臣攝行早隨停罷
私願既足皇風自宣不待荷載征營之至謹
拜表陳請以聞某誠惶誠恐頓首頓首死罪
死罪謹言

天慶元年八月十五日太政大臣從一位
臣藤原朝臣某上表

○同公辭攝政准三官等表

後江相公

臣某言短辭既窮寸誠未遂起伏慙怖必待
 哀矜臣某中謝臣聞用方陳力奉上之規自存
 務求切御下之訓既謬何則治兼金而成
 器鏗範之工足觀構散木而為材剗斲之美
 何在取喻於臣何遠之有臣病臨老倍老逐
 日加事與心違同於反鑑之取容旨遇物戾
 類於倒表之求頌爰攝錄之勤兼四海而未

免官爵之賞准三官而難當昔五湖泛浪遙
 道珥蟬之榮萬鐘拋恩更返屠羊之肆是則
 讓功不居辭賞無受彼猶若此矧於愚臣縱
 招臣身逆旨之咎寧遺吾君妄施之名乎况
 邊鎮不閑重門有警隴頭秋水白波之音聞
 聞邊城曉雲綠林之陳不定仰恐先朝寄託
 之重俯垂聖世康和之風豈非委任失材致
 此災變乎朝慙夕惕寢興無聊抑魁首將門

獸心人面結黨聚徒公行剽劫狂謀不悛猶
同朱髮之賦野心彌熾不異白額之禽陛下
皇威遠振玄德潛通鉄鉞之誅未及神明之
戮先加幽顯合契身殞於一箭之前遐邇同
歡首傳於千里之外開闢以來帝王之跡夷
凶息暴未有如當今速者也微臣筋骨疲衰
犬馬之力難展陛下聖德鼎盛日月之光彌
新以此施化無思不服伏願曲廻如綸憐此

匪石早停不堪之攝行亦收無功之重賞天
地覆載之仁躬聖襟而化下春秋生殺之令
決教慮而撫民樵夫野老謗議自停餘燼遺
孽逆心長滅不勝悚懼屏營之情謹重拜表
陳讓以聞臣某誠惶誠恐頓首頓首死罪死
罪謹言

天慶三年五月廿七日太政大臣從一位
臣藤原朝臣某上表

○貞信公辭關白第三表

後江相公

臣某言功成退身五千之玄訓在眼年衰養病百一之素論可聞誠是天道之有常何在人事而可忘臣某謝中臣猥以愚昧之身久忝師範之職計其星霜已踰十祀求其誠節未得一端陛下登極更降聖詔萬機巨細關白於臣者即錄表章陳其不堪昔隨武子之多藝事五君而濟時晏平仲之一心歷三代而

輔政如臣者病趁老至衰隨日加白白之景已斜赤龍之浴難遇智刃鋒利何分五教於堯讓之始情理樞朽難揔萬機於漢興之時訪古顧今獨自慙懼方今聖德日新睿哲玄覽構山為心高卑共仰如雲之化淇海成量遠近爭盡奔波之勤則決聖慮而可求皇風之遠宣何惱病臣而更致王事之暫擁乎為世為身有謗無益伏願陛下曲照愚丹於一

寸阜傳關白於庶機然則漳浦歌枕卧秋月
而照夢魏闕抽簪戴曉霜而遙送老不勝悚
懼之至謹拜表陳請以聞臣某誠惶誠恐頓
首頓首死罪死罪謹言

天慶九年九月四日太政大臣從一位藤
原朝臣其上表

○為入道前內大臣辭關白表

江匡衡

臣道隆言先瀉丹情之底敢置玄覽之前龍
渙未收鶴歎逾切謂其殊獎之至重供私之
寔深譬猶挾岷崙而壓累卵傾渤澥而注孤
燈若不重陳恐涉飭讓臣某謝臣聞王者之
御天下也承天建官象地分職所撰失道則
泰階不平所受乖仁則列岳為異臣伏檢家
譜列祖先臣之秉鈞柄者多是老年蓄德莫
不奇才大功而今壯年而早昇不才而妄進

三十餘初攝政四十餘猶關白位在三公之上目眩易迷身疲萬機之間手繁難理况女則入椒房同體乎垂衣之化男亦居遵府增秩乎弱冠之齡功淺賞隆徒修車丞相之軌父榮子貴自齊馬大宰之鑣夫然則股戰非可久立顏厚非可寄居重載之舟不辱那堪濟川之用再實之樹有蠹未免待風之危伏願陛下憐臣辭病允臣道名縱復履冰赴熱

慙往曰於虛無唯將席月占雲養餘年為已有不勝荷懼屏營之至其誠惶誠恐頓首頓首謹言

正曆六年二月五日關白正一位臣藤原朝臣其上表

○同入道表

江匡衡

臣某言清咲頰咽紫霄之聽隔雲織綸猶垂青泥之鱗出浪雖知詔命之難違不堪心顏

之罔^{ナキニラキトコ}庸^{ナキ}臣^{ナキ}某^{ナキ}謝^{ナキ}。臣聞輔佐之臣者君之腹心也。上代^{カリエテ}天工^ニ下執^ト人柄^ヲ四海由之^ニ而理亂^レ三臺由之^ニ而弛張^ス。故擇^フ不言^ハ親踈^ヲ任^ス不言^ハ貴賤^ヲ。高祖納^シ陳丞相^ヲ天下不謗^ラ用^ル其仇^ヲ文王舉^テ周公旦^ヲ天下不爲^ス私^ト其子^ヲ如^ク臣者匡德^ニ虛受^テ塞賢^ヲ猥居^ル性緩^ニ而多^シ闕政^ヲ慙^ツ西門豹^ノ之佩^ル韋^ノ才^ヲ淺^ク而少^シ謙言^ヲ謝^ス東郭互^ノ之前^ニ席^ニ夫高秩^ニ厚禮^ヲ者天譴^ノ端^也也異賞^ニ殊私^ト者鬼瞰^ノ之本^也也臣寵

最深^ニ而病^ム又深^ニ齡^ニ不惑^シ而魂^ニ更感^ス繫^ル浮榮^ヲ於夕露^ニ華髮^ニ薄^ク而簪纓^ヲ慵^ク扶^ル微力^ヲ於春風^ニ柳腰弱^ク而劍珮^ヲ重^ク然猶所以^ハ強^ク出入^ス于紫闥^ノ之中^ニ常徘徊^シ于金屋^ノ之下^ニ不獨貪^ル高秩^ヲ不獨誇^ル異賞^ヲ朝仰^シ少年^ノ之天顏^ヲ是則難^ク背^ク先父^ノ之素意^ヲ夕對^シ長秋^ノ之月色^ヲ亦猶不審^カ愛兒^ノ之玉音^ヲ矣方今陛下春秋已長^ニ飭^ル首^ノ之儀^ヲ早成^シ微臣筋力先衰^シ止足^ノ之思^ヲ彌切^ク臣之所請^ヲ誰謂^カ不忠^ト

但去官職而無名。縱不改關白之稱。謂歸機務。以任意。只欲翫城東之風光。伏願陛下廻大陽之皇鑒。照小量之懇衷。特垂愍護。親此政事。然則逃鵠鼎於微躬。開求甘露延年之藥。任鷓絃於叢指。長傳薰風理世之歌。不任惶迫之至。謹重上表陳乞。以聞。臣某誠惶誠恐頓首頓首。死罪死罪。謹言。

○入道大相國謝官文書內覽表

江匡衡

臣道長言。頻表仰恩。未蒙矜遂。馳意半漢。秋駕之騎。方危。盡詞披陳。春木之筆。欲腐。臣某中聲源淺薄。才地荒蕪。偏以母后之同胞。不次昇進。亦因父祖之餘慶。匪德登用。彼周公旦之夕見。七十也。臣未能薦一士。叔孫通之朝儀三千也。未能出一言。冰魂雪汗。四迴于茲。夫譴鬼瞰萬念于懷。方今前鑑不遠。後悔

可思二兄負重而早夭。猶恐覆舟於恩波。微
臣嫌盈而苟辭。欲去害馬於政路。而聖詔重
降。褒喻彌崇。若從給命。以甘素食。則不異淵
魚之吞鈎。若感明恩。以忘玄訓。亦孰與爛蠅
之入灯。臣逢榮更衰。以寵爲辱。纏霧氣而眼
暗。空堆臺閣之章奏。賜霜杖而心寒。徒耀營
衛之嚴威。愚臣每事難堪。不如早擇賢相。天
子不奪人志。明王必遂物性。漢四皓雖出。應

懼獨留於淮陽之雲堯。三徵不來。許由長棲
於潁水之月伏。望弘慈曲降。叡鑒臣所帶官
及內外章奏。觸臣宣行之事。忽從停止。又隨
身近衛府。生已下十人。各付本府。令從歸歟。
俾夫天地之德施。而彌新日月之明照。而更
盛無任危懼。謹退之。至謹重上表陳請。以聞。
臣某誠兢誠惕。頓首頓首。死罪死罪。謹言。
長德四年三月十二日左大臣正二位臣

藤原朝臣某上表

○同公重上表

臣某言去月廿七日仰帝闕而析恩展哀襟而辭病即日中使從四位下行左近衛少將兼美作守藤原朝臣重家忽至衡門不許鶴望畏尾而迷低頭而歎臣某謝中臣伏惟大臣職務不可久曠是微臣藥石之初所固辭也夫聖人者常治無患之患故無患良醫者常

治無病之病故無病而臣啓沃悔於既往攝理昧於方來命之甚危一至於此加之陛下以賢才為城郭臣未舉下帷宿學之人陛下以儉德為衣裳臣總存上表謙退之道擇官授職之時臣多過而懼太政官之謹奏殿上禁中之事臣少勤而謝藏人所之別當彼周公旦之似正月復辟以猶逃三熊張子房之得退年間仙以已芥萬戶何況臣病入膏肓

命在且暮此之懇誠豈無優恤伏願 天眷
殊鑒微衷罷臣槐鼎不且美乎然則蓬萊望
雲戴皇恩而詠玄德漳浦拂霧卜閑居而遂
素懷不任挹滿之至謹重拜表陳乞以聞臣
某誠惶誠恐頓首頓首死罪死罪謹言

長保二年五月九日左大臣正二位臣藤

原朝臣某上表

○復重上表

江匡衡

臣某言臣再布腹心苦請骸骨當中使之不
容歎下情之難遂臣某中謝臣聞易者圓而神
方而智其上經曰儉德避難禮者極於天播
於地其表記曰慎以避禍而臣奢侈不儉愚
昧無慎寄重以病亦重任危以命已危殘燈
斲挑待解印之恩光朝露欲消仰休身之惠
澤居槐庭而非用庶幾松子於長生慙鶴鼎
而是辭何甘鳥啄於不死劇官三公之車蛛

網結而空懸恩授一枚之劔龍泉咽而徒置
悔以不及五六年曠官之譏憂以難堪二十
日迫命之病伏願天鑒早解臣官雖金章紫
綬命盡則何益雖布衣韋帶身存則幸甚不
任悚迫之至謹奉表以聞臣其誠惶誠恐頓
首頓首死罪死罪謹言

長保二年五月十八日左大臣正二位臣
藤原朝臣其上表

表下

○辭太政大臣

○為貞信公辭太政大臣第三表

後江相公

臣忠平言霜不扣鐘青腰猶催九乳之響水
無入柱綠波暗驚七絲之音空抱懇誠丹款
頻罄於寸地更混飭讓玄應未通於上天雖
增悚越何不披陳臣其謝中臣聞經邦之遠圖

唯德是務。御俗之恒範。非賢勿居。臣位重才
輕。器小任大。籬鷄短翅。豈愧九萬里之搏風。
井蛙淺心。忽迷三千尺之激浪。而聖詔重降。
褒喻彌倍。雖知逆鱗之難犯。還忘蹈尾之爲
憂。夫臣子之間。忠孝惟一。或有違而得道者。
或有順而失義者。既能進臣官。增臣榮。是述
先皇之命也。今復哀臣。祈許臣讓。勿沸衆庶
之唇也。夫然故。君臣之美。兩盡。上下之蹤。應

觀。不然。君猶自稱孝子。臣何得爲忠臣。况膏
梁之味。非不美也。過度則心腹必受其病。兩
露之施。非不甘也。涉旬則草木不勝其澤。故
蕭相國益封之朝。邵平致吊。孫叔敖受拜之
日。老父誠盈。縱彼無言。寧不懼意。方今陛下
春秋方富。松柏之質。迎千年而彌堅。微臣齒
髮既衰。葦葦之姿。臨九秋而漸脆。謙退者常
存之樂也。謹慎者不死之藥也。所以暫惜餘

生求全陋質者返天下於無為先免殷朝撻
市之耻期海內於有截後為堯年鑿井之翁
伏願陛下許此呼天之請鑒以量力之誠令
一老臣展其報國不任惶迫之至謹重拜表
以聞臣某誠兢誠惕頓首頓首死罪死罪謹
言

承平六年九月十五日太政大臣從一位
藤原朝臣某上表

○為清慎公辭職五度第二表

管三品

臣某言從蒙寵章請逃崇號攀雞樹而鳴情
不達仰鳳戾而淚汗俱流拙旨難明假岳筆
而猶暗老懷欲述伏綸紙而更愁臣某
聞悔吝者任重之所招也其咎不暇旋踵謗
毀者祿厚之所蓄也其疵不待洗皮臣雖不
敏嘗服斯言况亦今日十九日勅命賜內舍

人二人。左右近衛各四人。為臣隨身兵仗。殊私異賞。前至後加。臣之愚蒙。竊有感矣。若謂給不虞之備。苟臣有忠信之甲。何更枉無窮之恩。為臣分警衛之威。崇海鳥於蕭韶。習潮聲而畏雅。飭野猿於衮冕。顧烟色而嫌華。性之天然。人物一致者也。臣名浮於行。威成於榮。才華早欠。道素之苑。荒涼寵澤。寂深方赤之地。悚越非輕。君之恩非厭。臣之幸唯此非。

據未忍。默休伏願。玄鑑曲光。丹祈前後。二恩一皆停罷。然則陛下則哲之明。彌昭微臣匪服之譏。自弭無任。荷懼憂迫之至。謹重上表。陳乞以聞。臣某誠惶誠恐。頓首頓首。死罪死罪。謹言。

康保四年十二月廿五日。太政大臣從一位。臣藤原朝臣某上表。

○為忠義公辭職第一表 菅二品

臣兼通言伏奉去月廿八日詔命以臣爲太
政大臣恩越恒渥事出望表累足而立進退
失圖撫心而思冰炭同器臣某中謝臣伏惟太
政大臣者有德之選也訓導之禮重又崇萬
乘從此化盛儀形之寄深彌大四海由是風
清昔營立カ在周猶是七年之晚遇也安平居
晉寧非ハ旬之早衰乎今臣性是用心多カ
齡則知命未過謬以無能之陋身忽忝非據

之重任未知功臣苗胤無賢無愚必可至大
位歟且將戚里枝親雖老雖少亦可登清階
歟不然多士之朝得人之世何由拋蘭蕙而
不カ十步之外採蓬嫌カ鸚鵡カ而不招カ一林之
中カ駢雀哉是臣之所以忘寢止食心寒面熱
也伏願宸波廻カ霽景曲照更降一切之新
命令返カ三司之朱班不勝戰汗屏營之至謹
拜表陳讓以聞臣某誠惶誠恐頓首頓首死

罪死罪謹言。

天延二年二月十日正二位守太政大臣
藤原朝臣某上表

○為入道前太政大臣辭職并封戶准三
宮第二表
江匡衡

臣兼家言今月十五日中使權中納言源朝
臣伊陟勅至奉宣聖旨抑臣上表鳴鶴之聲
空隔卷龍之命不聽惶惑失圖心願因置臣

某中臣聞貞觀之初命忠仁公為相三公當
仁百官揔已俗阜無費于受崇封德高有便
于鍾厚禮陛下以今日天下准昔時賦歛之
虛耗萬倍以貞觀故事比微臣才用之懸隔
千里加以彼間公卿其數纔十有三人節儉
交深實封不幾今當時所備者上皇三院內
主三宮及公卿共一人也計其職邑為國煩
費而臣更擬三宮之儀又居正合之任若以

前賢之末苗謂賞臣則周邵之後無登三事
若以左戚之元老謂崇臣則陰郭之家不過
九卿臣扶帝道履政途以來變異屢臻謗訕
無隙問六典則五既闕論八柄亦七不堪彼
湯武聖主也然不能乘幹舟而浮江湖伊呂
賢相也然不能策駟馬而馳郊野雖寔聖主
賢相未若越人與胡兒者况愚臣焉得持重
載以久濟巨川攬六轡以猥陟象岳哉方今

陛下肇服玄冕新莅蒼生百辟傾心悽々然
以待陛下之政四夷傾耳靡々然以聽陛下
之風臣之休退今此時也昔羊叔子之歸故
里也指二蹠而爲吾師鄭君之舉新材也
推五倫而進其位何以志止足猶欲觸逆鱗
伏願陛下暫撤玉懸幸照丹欸封賞衛卒是
素所辭早停先勅攝籙儀形又新所退必納
後章不勝戰汗屏營之至謹重拜表陳乞以

聞臣某誠惶誠恐頓首頓首死罪死罪謹言
永祚二年三月十七日大政大臣從一位
藤原朝臣其上表

○同第三表

江匡衡

臣某言頻獻表奏未蒙照臨仰前跪而增戰
栗濡秃筆而惱虞松臣某謝中臣伏惟察能授
官上聖為之布德揣分受職往賢由其全身
若授受乖其宜則如養魚鼈於曾雲之巔棲

鳥雀於重淵之底者也臣齡先懸車而身已
病器非負鼎而力早衰騏驥之病也駑馬先
之况駑馬之病乎孟賁之衰也庸夫蔑之况
庸夫之衰乎凡登高秩者必飭謙挹之詞至
大年者即述歸老之志今臣所請異於彼焉
夫事無兩全物難俱有連枝或臨艾服兮凋
枯臣之餘六旬者可謂家老末葉多列槐庭
兮榮顯臣之居三公者是揔國卿加以兩院

上皇不_レ弃_二渭陽之勞功_一擢_二以親舅_一矣今上陛
下不_レ遺_二豐沛之父老_一賞_二以外祖_一焉太后降_レ尊
忝存_二爲子之道_一少陽厚禮猶有_二稱孫之名_一其
外竹園蘭坂多是_レ臣之枝苗二府九卿半又
臣之弟姪書契_二以還未有_一才德薄寵榮厚如
臣者矣是以_レ葉公魂驚_二何更扶龍圖而招半
死華封齡老_一唯須_二祝鳳曆而送餘生_一臣縱道
崇班_二以棲野雲命存則可仰聖化_一臣若_レ叨重

寄_二以先朝露位尊亦無益_一微躬方今塵曠漸
深慙懼彌劇昔秉鈞柄而過九十寧非安平
之強健哉今辭官職而至再三則是暗懦之
疇羸也雖降_二十勅何改_一一心伏望鴻慈殊矜
微懇聽_二臣欵闕之請不異_一敢諫之鼓靜臣懸
旆之心自爲進善之旗無任挹滿之至謹重
遺_二正四位下行右近衛中將兼伊豫守藤原
朝臣道賴抗表陳乞_一以聞_二臣某誠兢誠惕頓

首頓首死罪死罪謹言。

永祚二年四月廿一日。太政大臣從一位。

藤原朝臣 其上表。

○同第四表

江匡衡

臣某言。聖主聰晤。猶有逆耳之言。忠臣清虛。遂無儀腹之慮。蒙霧難晴。霄漢之景未照。詞浪彌疊。呂梁之峻方競。臣某 謝中 臣伏惟陛下道恢王業。德踰帝先。若出一言。不終日而達。

四裔若舉一事。不浹辰而安萬民。而臣謬以凡材。忝膺佐命。常仰降譴之天。久居招咎之地。職之師君。驚遽未止。任之揔已。迴惶無聊。昔姬旦之輔成主。而臨朝。以王少未冠也。虞舜之代堯帝。而攝政。以帝老視履也。陛下非幼非老。何韜盛德於垂衣。微臣無藝無能。何忘尤滿於負宸方。今安不忘危。賞還如罰。步榮路以迷止。足遙謝厲卿之塵。立恩涯以釣。

唐名獨慙。渭濱之浪。古稱人臣有三危。德少而寵多。材下而位高。無大功而有重賞。是也。此之三事。已在臣躬。况乎宿病相侵。朝務自滯。肝家漸有。衰葉眼路。鎮多亂花。華池鑿容。病鶴既戢。凌霄之翮。蜀坂垂耳。疲驂豈追。絕塵之蹄。臣洛城之東。開野業々々之北。構道場。養性仙方。將避野葵。蹈井跡。寄心佛事。欲結山椒。卧雲之朋。徘徊而立。唯思是俟。伏冀

玄覽。愍此赤誠。早停攝行之職。刊儀範之名。則天下幸甚。臣願足矣。不堪方寸。悚迫之至。謹拜表重乞。以聞。臣某誠惶誠恐。頓首頓首。死罪死罪。謹言。

永祚二年五月五日。太政大臣從下位藤原朝臣某上表。

本朝文粹卷第四終

本朝文粹卷之四

本朝文粹卷之四
 本朝文粹卷之四
 本朝文粹卷之四
 本朝文粹卷之四
 本朝文粹卷之四

